

**Удмурт кылъя но литература школьной олимпиадалы юанъёс.  
2017-2018 дышетскон ар. 10 класс.**

*Ортчытон дыр – 120 минут.*

*Ваньмыз – 37 балл.*

**I. Шонер валэктон бырйы. (6 балл)**

**1. «Гужем» кыл сямкыл (наречие) луыса кутйське**

- а) Гужем вуиз.
- б) Гужем уйёс шунытэсь вал туэ.
- в) Веникез дасяло гужем.
- г) Гужем – арлэн самой узыр вакытэз.

**2. Сётэм кылъёсы точкаос интые Г яке К, Д яке Т, Ж яке Ш букваос пуктылоно. Кудаз чурись вань кылъёсы точкаос интые звонкой согласнойёс гожтоно?**

- а) кышет...эк, чурь...гем, бы...тыны
- б) же...тэк, гор...гем, пы...саны
- в) шы...тэк, жо...гес, вы...тыны
- г) яна...тэк, чылкы...гес, вамы...тыны

**3. Местоимениос (аснимъёс) валатонзыя люкисько.**

- а) 7 группаослы                      в) 8 группаослы
- б) 5 группаослы                      г) 10 группаослы

**4. Валатонзыя кӧня разрядъёслы люкисько наречиос (сямкылъёс)?**

- а) кык                                      в) ньыль
- б) куинь                                  г) вить

**5. Кудаз чурын вань кылъёс огвыжыё луо.**

- а) вырыны, выросэз, вырйыл, вырзытыны
- б) выро-гопо, вырыны, вырйыл, вырйыло
- в) выж, выжныны, выжтэм, выжыё, выжлөгэт
- г) выжы, выжыятыны, выжыё, выжыян

**6. Сётэм кылсочетаниос пӧлысь фразеологизм уг луы.**

- а) йырыз сынаmtэ
- б) йырыз ужа
- в) йырыз кур
- г) йырзэ тйя

**II. Висьям кылъёсты приложение карыса гожъялэ. (3 балл)**

1) А.Лужанин **осотовецъёс** сярысь поэмаяз Граждан ож вакытэз возматиз. 2) Дышетскисьёс мылысь-кыдысь лыдзизы Ф.Кедровлэсь **Катя** сярысь повестьсэ. 3) Кедр Митрей удмуртъёслэн 19-ти даурлэн кутсконаз **секут зибет** улын улэмзы сярысь гожтиз.

**III. Точкаос интые пунктэ кык букваос, кудъёсыныз нырысетйез кыл йылпумъяське, нош кыкетйез кутске. (5 балл)**

- а) сюл.....еспи
- б) юш.....спу
- в) лыдп.....точи
- г) өнер.....пчирган
- д) шобр.....йн

**IV. Тылобурдоослэсь удмурт нимъёссэс вералэ. (5 балл)**

*аист, лебедь, клёст, куропатка, перепел, свиристел, воробей, трясогузка, павлин, тетерев.*

**V. Кудьёсыз вашкала удмурт нимъёс пиосмуртъёслэн луо, кудьёсыз – кышномуртъёслэн? (5 балл)**

Огаш, Юрмег, Ёзпак, Сэдык, Койык, Бөдён, Дыдык, Балян, Оныкей, Тутыгыш.

**VI. Кырзан жанр сярысь пыр-поч валэктон сётэ. (2 балл)**

**VII. Сётэмын произведениысь люкетъёс. Котькуд произведенилэсь авторзэ, нимзэ но жанрзэ тодэ. (3 балл)**

а) «... утчалляськиз но зус улысь тир адзиз. Выж интые волдэм коръёс полысь огзэ со тэтчытиз, собере йырзэ пась вадьсы кариз»;

б) «Чуказеяз шедьтизы Валоысь Педорез... Ватизы... \_\_\_\_\_-ез нош керттылыса олокытчы бадзым каре нуыса кошкизы, визьтэммен калыкез возен корка»;

в) «Пограз мойы кызыпу. Солэн курактыса кырзам гуръёсыз уг кылисько ни. Сосырмен мугорыслэсь шойзэ учкыса, «пулы но та уз яра» шуыса, калыкъёс дортиз ортчо».

**VIII. Произведениослэн нимъёсынызы сётэм радъёсысь быръе мултэссэ, быръемдэс валэктэ. (3 балл)**

а) «Кезыт ин. Кезыт куазь. Кезыт тол...» - «Шудмы огъя» - «Кам шур кутске ошмесысен» - «Уг яратскы чышкем писпуосты...»;

б) «Чагыр инме» - «Кык гожтэт» - «Эльбай» - «Бусы»;

в) «Трипан Вась» - «Оксана» - «Кезыт ошмес» - «Кык сяськаос».

**IX. Ф.Васильевлэсь «Мон вордскыку но жильыртиз ошмес...» кылбурзэ сэрттэ-пергче. (5 балл)**

Мон вордскыку но жильыртиз ошмес,

Пилем ыстиз улон шапыкъёссэ.

Югыт инбам оз жаля шунытсэ.

Шулдыр вордскиз лудлэн но кырзанэз.

Быдэ вуэм берам но адзисько:

Ошмес жильыртэ, пилем зоре.

Шуныт сиос йотско ыме-ныре.

Бусы вогыриос шулдырьясько.

Кулэм берам но котькин мед адзоз

Позись ошмес синэз но куазь зорез,

Шуныт инбам улын гыась юзэ.

Улонэзлы мед котькин шумпотоз.

**Юрттись юанъёс:**

1. Кыче мылкыд-малпан пычатэ та кылбур?

2. Кыче образъёс но амальёс юртто кылбурлэсь пуштроссэ усьтыны? Малы одно ик та образъёс кутисько?

3. Мар эшшо верамды луэ на та кылбур сярысь?